

大方廣佛華嚴經

第三十三

問九 百七

4784 ✓



元祿九年五月二十日重脩

皇圖聖圖 帝潛銀昌

佛日增輝 轉合輪常轉

山城州天安寺法金剛院置



大方廣佛華嚴經卷第三十三

東晉天竺佛陀跋陀羅譯

如來相海品第二十九

爾時普賢菩薩摩訶薩告諸菩薩言佛子諦聽諦聽善思念之當為汝說如來相海如來頂上有大人相名曰明淨三十二寶以為莊嚴普放無量大光明網遍照一切十方世界如來頂上有大人相名曰普照佛方便海圓滿雜寶以為莊嚴種種摩尼寶莊嚴金剛

光明世界所起普照一切法界如來頂上有
大人相名充滿法界雲妙寶光明普照一切
法界一切世界如來功德智慧十方世界海
雲菩薩功德海雲如來頂上有大人相名曰
普照悉現不可思議諸佛世界金剛摩尼妙
寶光明觀無猷足如衆寶華聚奮迅普放一
切法界佛寶光明如來頂上有大人相名疏
璃寶普照一切法界大自在雲摩尼寶王相
種種莊嚴普照一切十方世界難佛功德
因緣所起悉放如來大寶光雲普照菩
薩於道場樹結加趺坐普現菩薩自在神力
覺如來力普照一切十方佛刹於種震動於

大法界虛空中普現無量自在一切智雲如
來頂上有大人相名曰平等如來音聲燈雲
離垢寶海放諸光明普照一切法界十方世
界菩薩功德海安立三出佛智幢海如來頂
上有大人相名佛光廣雲伊那羅寶如意王
寶摩尼王寶以為莊嚴普照一切世界法界
菩薩光炎燈雲普照一切如來妙色音聲海
及世界海淨佛力海如來有大人相名圓滿
光明雲種種寶華莊嚴琉璃摩尼寶王光明
讚歎法身及諸菩薩一切十方世界海中歎
如來地令一切衆生趣向如來諸力境界普
現無量無邊如來淨地離垢清淨放大光明

普照一切諸佛世界如來有大人相名菩薩
行藏光明雲無量世界中如來放無量種種
色寶光明普照一切法界佛刹出生無量如
來妙音皆悉分別演說如來甚深大法如來
有大人相名普照雲琉璃伊阼羅金剛寶無
量色清淨摩尼寶莊嚴放琉璃色光明皆悉
遍照一切諸海出佛無量微妙音聲充滿一
切十方世界普現一切佛智慧海無量化身
如來有大人相名曰覺雲佛頂右面以雜寶
華炎莊嚴於一切世界莊嚴道場清淨一切
法界世界今一切虛妄皆悉解脫覺淨法界
如來有大人相名光明雲以心海王如意法

明

古花卷三十三

二

施宗

寶莊嚴如來頂相普照十方世界諸菩薩雲
長養最上智身法身行於一切如來相海滿
足一切菩薩法界雲如來有大人相名一切
莊嚴雲金剛琉璃華普照莊嚴一切法界海
世界衆寶蓮華以爲莊嚴皆悉充滿一切法
界四種菩薩行自在師子吼充滿一切法界
海如來有大人相名佛三昧海行雲莊嚴一
切法界海於念念中普現無量如來莊嚴充
滿一切不可思議法界世界如來有大人相
名化海普照雲妙寶蓮華如須彌山王出生
無量寶光明海佛意所起盧舍那所化出生
無量一切化海如來有大人相名一切如來

寶莊嚴如來頂相普照十方世界諸菩薩雲
長養最上智身法身行於一切如來相海滿
足一切菩薩法界雲如來有大人相名一切
莊嚴雲金剛琉璃華普照莊嚴一切法界海
世界衆寶蓮華以爲莊嚴皆悉充滿一切法
界四種菩薩行自在師子吼充滿一切法界
海如來有大人相名佛三昧海行雲莊嚴一
切法界海於念念中普現無量如來莊嚴充
滿一切不可思議法界世界如來有大人相
名化海普照雲妙寶蓮華如須彌山王出生
無量寶光明海佛意所起盧舍那所化出生
無量一切化海如來有大人相名一切如來

解脫雲離垢勝寶以為莊嚴普照莊嚴一切
如來師子之座於其座內悉現一切如來色
像放大寶光明演說無量佛法大海莊嚴一
切諸佛刹海如來有大人相名覺佛種姓雲
於琉璃華金寶蓮華放無量寶正法光明雲
嚴淨一切如來光明普現一切清淨法界衆
寶光明無壞解脫遍入甚深諸法界海普現
無量自在力海如來有大人相名無量寶光
明輪示現過去清淨善根出生清淨智日普
照十方智慧法海如來有大人相名普照自
在雲如來頂寶妙解脫華琉璃光明普照一
切法界海佛悉現一切諸佛刹海具足圓滿

如來智慧如來有大人相名入一切普照光
 明如來寶相清淨莊嚴普照一切無量無邊
 如來菩薩妙智慧藏一切法界如來有大人
 相名明淨雲寶華琉璃月放無量百千光明
 普照一切法界虛空界一切佛刹普現十方
 一切如來如來有大人相名覺光明雲一切
 寶光明普照一切法界諸佛轉淨法輪悉放
 如來妙光明雲普照一切十方世界如來有
 大人相名普現一切莊嚴雲無量寶光明於
 一念中一切法界普現一切菩薩坐於道場
 菩提樹下成等正覺又能普現一切諸佛如
 來有大人相名法界因雲如意妙寶莊嚴見

無狀足放大寶光明網普現一切衆生諸業
報海如來有大人相名曰普照淨法輪雲能
令如來正法清淨普照莊嚴一切佛刹深解
一切不思議法海普照過去未來現在諸佛
法界出生無量如來化身如來有大人相名
普照諸佛海雲十方一切世界海中悉離障
礙普見一切如來海雲如來有大人相名淨
燈雲方便深入一切衆生一切菩薩一切如
來不可思議法界海雲普照一切法界覺雲
如來有大人相名分別法界雲如來智慧廣
照佛地一切菩薩衆無量法海無量佛刹令
一切衆生入佛境界具足普賢菩薩願行佛

平等智一切諸佛如來有大人相名一切世
界海安住普照雲一切法界虛空界寶光明
雲見無狀足普現道場一切菩薩諸如來身
出生無量普功德雲如來有大人相名一切
寶光炎雲於佛眉間相中出生無量淨寶光
明普照一切十方世界淨照一切諸佛菩薩
行法王光明普照法界悉能長養一切光明
一切法界光明莊嚴普照一切諸菩薩海如
來力雲普照一切十方佛刹如來有大人相
名一切法界莊嚴雲如來頂相隨次漸起闍
浮檀金衆寶莊嚴放種種金色光明於念念
中普現一切世界諸佛悉能普照一切佛刹

莊嚴一切菩薩諸功德藏如來頂相悉能莊
嚴三十二相又能莊嚴一切法界如來有大人
相名普照法界遍光明雲佛眉間相悉能普
照一切妙寶一切衆色一切日月一切佛海
出生十方無量光明海莊嚴一切諸如來身
演說一切如來法海如來有大人相名自在
問古花三十二卷四
雲佛清淨眼衆寶莊嚴慧眼清淨於諸法界
無所障礙吉光明雲示現一切如來有大人
勝妙鼻相清淨衆寶以爲莊嚴一切衆寶妙
色爲覆佛寶華雲一切菩薩無能思議悉知
一切衆生諸佛法海如來有大人廣長舌相
悉能遍覆十方世界一切海雲過去修習善

根所得一切寶王清淨光明普照一切法界
尸羅之心又照一切三世諸佛悉能莊嚴一
切法界出生無量微妙音聲不思議寶以爲
莊嚴普照無量諸光明海佛妙音聲悉遍充
滿一切法界諸世界海如來有大人相名法
界地雲舌掌安住一切衆寶以爲莊嚴安住
一切法出生十方諸佛具足音聲悉能清淨
一切佛刹分別一切諸佛不可思議音聲海
雲如來有大人相名順法界雲舌端妙相金
色淨寶以爲莊嚴出生無量金色光明普照
一切諸如來海大師子吼振妙音聲悉皆遍
至一切世界一切衆生無不聞者於不思議

劫修行所得普現一切諸音聲海普照一切
衆生樂聞無有馱足如來有大人相名平等
法門雲佛舌端相今無量佛刹皆悉清淨如
意妙寶以爲莊嚴出生無量種種音聲讚歎
一切諸佛法界普現一切菩薩法界妙功德
雲普覆一切諸佛菩薩深入一切諸佛菩薩
法悉現一切離垢衆寶清淨佛刹悉能普照
一切佛刹如來有大人齒齟相伊阇尼羅淨
琉璃寶以爲莊嚴諸法界地悉在其內諸菩
薩雲皆悉充滿出生離垢妙寶光明普照十
方種種香雲種種燈雲普照菩薩內諸樓閣
分別一切諸佛刹海方便安住自在神力普

現不可思議諸法界雲如來有大人相名佛

大牙雲如來右面下大牙相眾寶莊嚴放大

光明輪普照法界及諸佛身普放光明網照

十方世界海及眾生海妙安隱輪以為莊嚴

如來有大人相名寶炎須彌藏如來右面上

大牙相如意寶王藏勝香炎雲照以莊嚴放

明古花并三卷五

寶光明與法界等一一光明內普現一切諸

佛自在一切佛刹莊嚴道場如來有大人相

名照一切寶須彌山燈雲如來左面下大牙

相分別解說一切諸相香華眾寶妙方便輪

以為莊嚴放寶光明雲普照一切世界海普

現一切佛蓮華藏師子之座離垢菩薩海雲

眷屬圍遶如來有大人相名普照佛雲如來
左面上大牙相清淨衆寶及閻浮檀寶網輪
華以爲莊嚴出生不可思議微妙音聲普現
一切如來自在神力成就一切菩薩功德普
照一切虛空及語言法無盡法雲一切法海
諸佛音聲及一切寶出生分別一切諸佛衆
妙音聲充滿法界如來有大人相名金暮耆
婆如來一一齒間出無量相海門雲種種色
寶放大光明海閻浮檀金色普照法界一切
世界一切如來如來有大人相名一切寶地
雲如來右肩相一切寶色淨蓮華色明淨寶
色光炎普照一切菩薩內法藏雲悉照一切
如來法海如來右肩平滿大人相清淨閻浮
檀金色普照菩薩法輪法界及照一切如意

如來法海如來右肩平滿大人相清淨閻浮
檀金色普照菩薩法輪法界及照一切如意
寶王如來有大人左肩相閻浮檀蓮華色如
來圓滿諸功德海以爲莊嚴普放無量諸光
明網悉照一切世界法界示現如來無量自
在諸神力雲如來有大人相名周遍普照雲
如來左肩相衆寶莊嚴閻浮檀金色光明
悉能充滿一切法界普照一切諸如來海種
種寶香莊嚴一切諸佛刹海如來有大人相
名普照莊嚴雲如來右肩無有動轉出生無
量佛燈光明垂法界雲充滿菩薩衆普照莊
嚴一切法界如來有大人相名海頂雲如來

曾有勝妙相海以爲莊嚴柔軟細滑種種衆
寶炎輪莊嚴周遍清淨開發甚深法海音聲
如來有大人相名勝妙相續普現雲如來右
脇勝妙清淨法界輪地以爲莊嚴清淨寶網
而彌覆之出生無量如來化雲普照一切十
方法界如來有大人相名普現如來雲勝妙

問古花三十二卷

六

功德藏菩薩功德寶天冠普照極高雲離垢
清淨普現十方無量諸佛自在神力開示三
世一切諸佛法海淨行坐於道場菩提樹下
成等正覺如來有大人相名開敷華雲如來
勝妙功德相續衆妙寶華寶輪莊嚴放香炎
光明普現一切蓮華形色世界如來有大人

相名可悅樂金色雲一切寶王藏勝妙功德
相續一切寶心王藏放摩尼寶光明輪離垢
清淨極大高顯普照一切諸佛內方便功德
藏普照一切法界如來有大人相名勝海雲
勝上虛空寶放香光明普照十方一切道場
圓滿琉璃寶香燈鬘充滿十方如來有大人
相名電光雲下第二勝功德平等地相蓮華
右旋淨菩薩衆坐寶蓮華放佛藏光明普照
法界海如來有大人相名普現法界雲第三
勝相海具足成滿一切寶海剎普照開現無
量菩薩法界如來有大人相名普照最高雲
第四勝相海放離垢衆寶光明海普照一切

法界一切如來一切世界莊嚴一切衆生海
如來有大人相名轉一切法輪妙音聲雲下
分勝相離垢清淨一切正法道香炎光明照
一切佛內心相海一切法界如來有大人相
名莊嚴雲第十勝相宣暢十方一切諸佛菩
薩淨行覺悟離垢清淨光明三世諸佛一切
智海莊嚴一切諸佛刹海如來有大人手掌
相具足千輻寶輪種種衆寶以爲莊嚴放大
光明普照法界轉正法輪普照一切諸如來
海充滿一切佛功德海種種妙寶莊嚴法界
如來有大人相名海照雲如來寶手衆寶莊
嚴普放淨月光明炎雲莊嚴虛空如來菩薩

諸世界海讚歎菩薩行海如來有大人相名
普莊嚴雲如來妙手因陀尼羅琉璃寶華以
為莊嚴普照一切法界一切世界蓮華藏菩
薩安住寶藏莊嚴十方一切道場普照一切
諸佛海雲清淨法身如來有大人相名離垢
燈普照雲淨寶光明放淨光網普照十方皆
悉出生變化網雲莊嚴菩薩淨寶光明究竟
一切諸法行海到於彼岸如來有大人相名
普現一切眾寶雲寶藏海雲莊嚴如來蓮華
充滿一切眾寶蓮華放寶光明雲普照一切
法界如來有大人相名普照明淨雲放寶炎
光明海照於法界一切眾香光炎莊嚴普現

寶華炎光令一切佛世界網悉淨莊嚴普照
一切道場如來有大人相名琉璃燈雲一切
世界衆寶色地普照莊嚴皆放諸佛金色光
明以一切莊嚴而莊按之於一念中皆悉示
現一切法門如來有大人相名智慧燈雲金
剛寶華以爲莊嚴放閻浮檀金色光明普照
一切世界如來有大人相名安住蓮華光明
雲衆寶妙華以爲莊嚴放大光明網覆一切
世界諸須彌山如來有大人相名充滿法界
如來雲離垢淨寶以爲莊嚴放大光明普照
一切諸佛世界悉見如來坐蓮華藏師子之
座又復普照一切法界現一切相如來妙手

普現一切自在之相千輻相輪清淨具足種
種衆寶以爲莊嚴佛手充滿一切刹雲普照
一切諸法界雲如來有大人相名曰成就佛
刹海雲佛右手指寶相清淨法界清淨光炎
普照如淨水月出衆寶華出生一切妙寶音
聲普現一切諸佛刹海如來有大人相名安
住一切寶雲普照諸佛寶藏法界於佛指相
出生如意妙寶王雲衆寶莊嚴放大光明網
普照一切法界雲及諸佛雲普照莊嚴一切
菩薩諸功德海出生普賢菩薩淨行妙音聲
海一切佛刹無不聞者又開發普照諸菩薩
心皆悉滿足無量大願摩尼寶王以爲莊嚴

種種日光輪皆悉普照一切法界如來有大
人寶馬藏相隱密於右衆寶莊嚴普照一切
法界及虛空界一切衆寶莊嚴法界海出生
一切如來莊嚴微妙音聲如來有大人相名
曰一相現一切相海雲如來安處福田之座
一切衆寶以爲莊嚴出生無量不可思議妙
寶光明普照十方一切法界普現分別一切
衆相現一相雲照現一切諸佛自在神力如
來有大人相名一切法界海雲普照十方諸
如來座及一切法界法輪法海悉能示現一
切相雲如來有大人相名普示現雲如來右
脛衆寶莊嚴放於妙法種種香光隨順安住

出諸音聲一切寶王以爲莊嚴於念念中悉
能示現心王海雲如來有大人相名普照一
切迴向海雲如來左睚悉遍充滿一切寶海
隨順安住法海莊嚴放一切光明海悉能普
照一切衆生無量佛海如來有大人相伊尼
延右睚放閻浮檀金色光明普照一切世界
震動無量諸佛刹土出佛音聲一切普聞出
生無量菩薩化身充滿一切諸佛世界及虛
空界放明淨光明莊嚴普照一切令諸佛刹
皆悉清淨菩薩變化截諸法界雲猶若虛空
如來有大人相伊尼延左睚如鍊金色常放
一切妙寶光明充滿無量諸佛世界開發一

切諸佛法化莊嚴無量諸佛法海如來有大
人相名毛端內現一切佛刹於一毛孔悉放
一切寶光明藏普照十方一切法界於一毛
孔示現一切如來自在諸佛界雲如來有大
人相名菩薩海莊嚴雲如來金剛足下閻浮
檀金色放一切寶光明網充滿十方諸佛刹
雲開發一切菩薩法化出生無量菩薩變化
放一切寶香光明任菩薩海能於一步遍諸
佛刹如來有大人相名明淨雲佛足踏上一
切衆寶以爲莊嚴放妙寶光明示現一切諸
佛菩薩大光明藏普照無量諸如來雲如來
有大人相名曰覺雲普覆一切如來指閻衆

寶王莊嚴放諸寶光於念念中示現一切諸
佛自在普照無量諸佛法海示現一切道場
悉照未來無量際劫如來有大人相名曰遍
照法界海雲如來足下千輻相輪種種莊嚴
放百千眾寶光明普照一切法界諸世界海
眾寶燈炎妙莊嚴蔽普照十方一切諸佛無
量香光以爲莊嚴普照一切淨法界海如來
有大人相名示現一切諸佛海雲清淨如空
照諸法海充滿十方發起一切諸菩薩雲出
妙音聲雲眾寶華雲以爲莊嚴香燈光炎示
現普照一切世界如來有大人相名自在光
明雲眾寶莊嚴示現一切諸佛光明淨法界

海及諸道場常放如來智慧光明一切衆相
悉爲一相法界無雜種種莊嚴如來有大人
相名法界海音聲雲如來足下後分衆寶莊
嚴普照一切諸法界海一切諸佛自在莊嚴
普入化輪覆一切法界於一身出生法界
妙音聲雲如來有大人相名深寶原底衆寶
莊嚴放閻浮檀金色圓滿光明普照十方世
界法界顯現一切莊嚴道場如來有大人相
名一切寶月光明伊那尼羅寶藏莊嚴照法
界雲於念念中悉能示現如來法海如來有
大人相名普雲藏右虛空寶雲最高寶光明
照一切佛道場座藏金剛伊那尼羅寶顯現
莊嚴如來有大人相名平等光雲衆寶妙華
以爲莊嚴出生甚深法界音聲遍一切法界

莊嚴如來有大八相名平等光雲衆寶妙華
以爲莊嚴出生甚深法界音聲遍一切法界
及虛空界於一一相普照一切諸如來海入
佛甚深自在菩薩法界海說不可盡如來有
大人相名示現莊嚴雲清淨閻浮檀金色衆
寶莊嚴普放種種妙色光明遍照一切莊嚴

佛刹問佛雲充滿無量世界十莊嚴菩薩自在法

海普照一切諸佛功德及諸菩薩解脫之藏

莊嚴法界如來有大人相名諸佛自在普示

現雲轉諸寶輪衆寶莊嚴放不思議如來光

明妙香普聞一切世界無量佛海演出一切

佛音聲海於諸世界現菩薩門佛自在雲佛

子於佛身中有如是等十蓮華藏世界海微塵數佛大人相於諸支節種種妙寶以爲莊嚴大方廣佛華嚴經佛小相光明功德品第三十
尔時佛告寶手菩薩言如來應供等正覺有隨形好名曰海王彼出光明名曰明淨七百萬阿僧祇光以爲眷屬又菩薩摩訶薩於兜率天放大光明名曰幢王普照十世界微塵數刹遍照彼處地獄衆生滅除苦痛令彼衆生十種眼耳鼻舌身意諸根行業皆悉清淨彼諸衆生見光明已皆大歡喜命終皆生兜率天上生天上已聞天妙音名可愛樂此音聲語諸天子言以不放逸故於諸佛所種善

根故遇善知識故盧舍那佛威神力故於地
獄命終生此天上如來足下千輻輪中有妙
光明名普照王於彼海王隨形好處悉放四
十廣大光明一名清淨功德普照六十億那
由他佛刹微塵數世界隨衆生境界隨種善
根隨衆生意乃至普照阿鼻地獄其中衆生
命終皆生兜率天上生天上已聞天妙音作
如是言善哉善哉諸天子盧舍那菩薩今住
離垢三昧應當敬念尔時諸天子聞天勸化
微妙之音便作是念奇哉奇哉何由出此微
妙音聲尔時音聲語諸天子言我此天音諸
善功德之所成就諸天子如我說我而不著

我不著我所一切諸佛亦復如是自說是佛
而不著我不著我所諸天子如我音聲不從
東方南西北方四維上下來諸天子業報成
佛亦復如是非十方來諸天子猶如汝等昔
在地獄不從十方來但以顛倒愚癡纏故得
地獄身本無來處如普照王光明不從十方
來我失音聲亦復如是非十方來但以三昧
善根力故出生如是微妙音聲般若波羅蜜
力故示現如是自在神力諸天子譬如須弥
山王有三十三天淨妙宮殿種種樂具不從
十方來我天音聲亦復如是諸天子譬如億
那由他佛刹微塵數世界末為微塵如是微

塵數衆生我爲說法隨彼所應今大歡喜然
我於彼不生厭惡心不生疲倦心不生放逸
心不生高慢心諸天子盧舍那菩薩住離垢
三昧亦復如是於右手掌隨形好中放一光
明出生無量自在神力一切衆生聲聞緣覺
所不能知汝等應當往詣盧舍那菩薩恭敬
禮拜莫著五欲障諸善根諸天子譬如劫盡
燒須彌山悉令消滅諸天子五欲纏心脩念
佛三昧皆悉除滅是故諸天子當知報恩一
向敬念盧舍那菩薩諸天子其有衆生不知
報恩捨是身已入三惡道諸天子汝昔在地
獄蒙光明恩捨地獄已來生此天應當長養

彼諸善根諸天子譬如我天非男非女而能
出生百千万億不思議法諸天子如天子天
女五欲樂具宮殿園林皆悉如我不生不滅
色受想行識亦復如是若如是知是名能入
無著甚深三昧海時諸天子聞是音聲歡喜
無量皆悉化作一万華雲一万香雲一万樂
雲一万幢雲一万蓋雲一万讚歎雲作是化
已往詣盧舍那菩薩所住宮殿恭敬供養於
一面住而不見盧舍那菩薩時有天子作如
是言此菩薩者今已命終生淨飯王家乘梅
檀樓閣處摩耶夫人胎介時諸天子以天眼
觀盧舍那菩薩摩訶薩見梵身天欲界諸天
恭敬供養時諸天子作如是言我等若不先
往恭敬供養盧舍那菩薩乃至一念頌住堯

恭敬供養時諸天子作如是言我等若不先
往恭敬供養盧舍那菩薩乃至一念頃住兜
率天起樂著心者我則不可尔時一一天子
與十那由他天子眷屬欲從天下至閻浮提
詣菩薩所時天妙音語天子言菩薩摩訶薩
亦不命終生於彼間隨所應化悉令彼見諸

古林卷三十三

三層

天子譬如我今非眼所見能出音聲菩薩摩
訶薩住離垢三昧亦復如是非眼所見而處
處示現命終受生捨離虛妄滅除憍慢無所
染著是故諸天子應當速發阿耨多羅三藐
三菩提心令意清淨住威儀戒悔過一切業
障煩惱障報障邪見障以法界虛空界衆生

界等善身口意業以衆生界等身衆生界等
頭衆生界等舌悔過四障時諸天子聞是聲
已皆大歡喜心意柔軟問天聲曰菩薩摩訶
薩云何悔過爾時天聲以菩薩摩訶薩三昧
力故天善根力故答諸天子言業障等罪不
從東方南西北方四維上下來積聚於心菩
薩摩訶薩知此業等因顛倒起不生疑惑諸
天子如我天聲說隨業報行隨戒隨喜隨定
寂滅諸佛菩薩說我衆生貪恚癡業而實無
我無有我所亦復如是所作諸業於十方求
悉不可得諸天子如我天聲少福衆生所不
能聞除地獄衆生應受化者諸天子聲非生

滅一切諸業亦復如是。非生非滅，但隨業行而受果報。諸天子如我所出音聲於無量劫不可窮盡。諸天子若謂音聲有來去者，即墮邊見。一切諸佛不說斷常，除為衆生方便說法。諸天子如我天聲十方世界隨所應化，皆悉得聞。一切諸佛亦復如是。隨應度者皆悉得見。諸天子譬如明淨錠光金頗梨鏡，與十世界等於彼鏡中，見無量刹一切山川一切衆生地獄餓鬼若好若醜形類若干。悉於中現。諸天子於意云：何彼諸影像來入鏡，不答言不也。諸天子一切業報亦復如是。無來去處而能出生善根果報，譬如幻師能幻人目。

當知諸業亦復如是若如是知是名清淨眞
實悔過說是法時百千萬億那由他佛刹微
塵數諸世界中堯率天子皆得無生法忍無
量無邊不可思議阿僧祇欲界諸天子皆發
阿耨多羅三藐三菩提心六欲天中一切天
女皆捨女身悉爲男子得不退轉菩提之心
爾時諸天子廣聞普賢迴向善根悉得十地
諸力莊嚴具足三昧皆悉成就衆生界等善
身口意業滅一切障皆得清淨見百千萬億
那由他佛刹微塵數七寶蓮華一一華上皆
見菩薩結加趺坐放大光明彼諸菩薩一一
隨形好中放衆生界等光明彼光明中見衆

生界等諸佛結加趺坐隨所應度而爲說法
猶未能見離垢三昧之少分也尔時諸天子
於一一毛孔化作衆生界等妙香華雲供養
盧舍那佛散香華已一一華中見諸如來時
彼香雲普熏無量佛刹塵數世界衆生其蒙
香者身心快樂譬如丘入第四禪若有衆
生得聞此香諸罪業障皆悉除滅於色齎香
味觸內有五百煩惱其外亦有五百煩惱二
万一千欲行煩惱二万一千恚行煩惱二万
一千癡行煩惱二万一千等行煩惱此諸煩
惱皆悉除滅彼諸衆生具足種種淨香自在
光明善根若有衆生見此蓋雲者彼諸衆生

種一恒沙轉輪聖王所植善根所謂白淨寶
網轉輪王等菩薩摩訶薩安住如是轉輪主
處於百千億那由他佛刹微塵數諸世界中
教化衆生譬如明鏡世界月王如來十方無
量刹中比丘比丘尼優婆塞優婆夷無有乃
至一念不作化身來詣佛所而聽法者彼佛
常爲廣說經法乃至廣爲說本生經聞彼佛
名命終之後皆生其國菩薩摩訶薩安住白
淨寶網轉輪王處亦復如是放曼陀羅自在
光明若有衆生遇斯光者皆得菩薩十地當
知此衆生悉是先世修善根力如得初禪雖
未命終見梵天處得梵天樂如是次第得諸
禪者雖未命終而得彼樂如是菩薩摩訶薩
安住白淨寶網轉輪王處放大光明名周羅

禪者雖未命終而得彼樂如是菩薩摩訶薩
安住白淨寶網轉輪王處放大光明名周羅
摩尼若有衆生遇斯光者皆得菩薩十地悉
得無量智慧光明得十種眼清淨行業乃至
十種意清淨業具足成就淨力三昧如是成
就清淨肉眼譬如菩薩摩訶薩以左手持億

那由他佛刹微塵東行過億那由他佛刹微
塵數世界乃下一塵如是東行盡此微塵如
是菩薩摩訶薩悉能了知彼微塵數亦識諸
塵本刹來處及下塵之刹乃至十方亦復如
是菩薩摩訶薩復能還集此諸微塵作一佛
刹於此佛刹亦分別知佛告寶手菩薩言於

意云何如是佛刹廣大可思議不寶手菩薩
白佛言世尊如是佛刹無量無邊不可思議
世尊竒哉竒哉若聞是喻此人難得聞而信
者亦復難得佛告寶手菩薩言如是如是若
有善男子善女人聞而信者我授彼記速成
阿耨多羅三藐三菩提得一切種智佛告寶
手菩薩言譬如千億佛刹微塵數世界如上
喻說此一切刹末為微塵彼諸世界一一微
塵悉與一切佛刹微塵數等菩薩摩訶薩取
此微塵展轉更種乃至八十彼一一微塵生
果悉與一切世界微塵數等菩薩摩訶薩業
報清淨肉眼悉分別見亦於念念中見百千

万億那由他佛刹微塵等如來佛告寶手菩
薩言譬言如定光頗梨珠照十佛刹微塵等世
界此珠白淨寶網轉輪聖王善根所成

大方廣佛華嚴經卷第三十三

西

問

猪飼長房寄附

